

**Majlis Datuk-Datuk Pulau Pinang Sumbang Kaki Palsu
Bernama
23 Julai, 2012**

GEORGE TOWN, 23 Julai (Bernama) -- Majlis Datuk-Datuk Pulau Pinang pada Isnin menyumbang kaki palsu kepada 14 pesakit yang dirawat di Jabatan Perubatan Rehabilitasi, Hospital Pulau Pinang (HPP).

Sumbangan diberikan kepada pesakit yang tidak mempunyai polisi insurans, tidak mempunyai caruman Pertubuhan Keselamatan Sosial (Perkeso) dan yang bekerja sendiri.

Presidennya, Datuk Markend D. Joshi berkata sumbangan secara keseluruhan bernilai RM45,000 itu merupakan aktiviti kebajikan tahunan majlis berkenaan.

"Jabatan Perubatan Rehabilitasi memberi kerjasama dengan menyenarai pendek jumlah pesakit yang layak dan kami salurkan bantuan secara berperingkat kepada 60 orang penerima setiap tahun," katanya kepada pemberita pada majlis sumbangan tersebut.

Beliau berkata sebanyak 20 orang lagi telah dikenal pasti untuk menerima bantuan tahun ini.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=682516>

